

# SHQYRTIMI I PRAKTIKAVE TË LIGJIT PËR PARTITË POLITIKE

PRISHTINË, MARS 2017

COPYRIGHT © 2017. Kosova Democratic Institute (KDI).

Përgatitur nga: Albert Krasniqi

Me asistencë hulumtuese nga: Agnesa Haxhiu

Instituti Demokratik i Kosovës i ka të gjitha të drejtat të rezervuara dhe asnjë pjesë e këtij botimi nuk lejohet të riprodhohet ose të transmetohen në çfarëdo forme, mekanike apo elektronike, përfshirë fotokopjimin ose çdo sistem tjetër të ruajtjes dhe nxjerrjes së materialeve, pa lejen me shkrim të botuesit. Publikimi mund të riprodhohet ose të transmetohet vetëm nëse përdoret për qëllime jokomerciale. Kurdo dhe kushdo që përdor citate a materiale të ndryshme të këtij botimi, është i obliguar ta bëjë të qartë burimin nga do t'i ketë marrë ato citate ose materialeve që përdoren.

Për çdo vlerësim, vërejtje, kritikë apo sugjerim, luteni të na kontaktoni përmes mundësive të ofruara më poshtë:

Adresa: Rr. Bajram Kelmendi, Nr. 45,  
10 000, Prishtinë, Kosovë.

Tel.: +381 (0)38 248 038

E-mail: [info@kdi-kosova.org](mailto:info@kdi-kosova.org)

Ueb: [www.kdi-kosova.org](http://www.kdi-kosova.org)

|||||

## PËRMBAJTJA

I.	Hyrje .....	4
II.	Çka janë partitë politike.....	5
III.	Çka është Ligji për Partitë Politike .....	6
	Dallimi në mes të Ligjit për Partitë Politike, Ligjit për Zgjedhjet, Ligjit për Fushatat dhe atij për Financimin e Partive Politike.....	8
IV.	Praktikat Ndërkombëtare për Ligjin për Partitë Politike .....	9
V.	Modelet e ligjit për partitë politike.....	12
	Modeli ndalues/dëbues .....	12
	Modeli lejues .....	13
	Modeli promovues.....	13
	Modeli mbrojtës .....	14
	Modeli përshkrues.....	14
VI.	Çka duhet të përmbajë Ligji për Partitë Politike .....	15
	Definicioni ligjor dhe statusi i partive politike.....	15
	Regjistrimi dhe Statuti .....	17
	Organizimi i brendshëm .....	17
	Përzgjedhja e kandidatëve.....	18
	Financimi i partive politike .....	20
	Organizimi dhe sjelljet në parlament.....	21
	Zbatimi i rregullave dhe zgjidhja e kontesteve .....	22
	Sanksionet dhe ndalesat ndaj partive politike .....	23
VII.	Përfundim .....	25
VIII.	Referencat .....	27

|||||



|||||

nëpërmjet legjislacionit sekondar, përkatësisht rregullave zgjedhore të KQZ-së. Këto rregulla kanë gjetur zbatim të pjesshëm në praktikë dhe kryesisht u janë imponuar partive politike më të vogla, të cilat nuk kanë pasur të drejtë për të propozuar anëtarë në KQZ. Arsye tjetër për mos respektim të plotë të këtyre rregullave ka qenë edhe mungesa e bazës ligjore për to, pasi që KQZ-ja, në raste të caktuara ka dalë përtej kornizës ligjore të paraparë.

Ky punim diskutues është i bazuar kryesisht në tri punime paraprake në këtë temë, të autorëve prominent, si: Lauri Karvonene -“*Legjislacioni për Partitë Politike: Një krahasim global*”; Kenneth Janda- “*Adaptimi i ligjit për partitë politike*”; si dhe Richard Katz - “*Reformimi i partive politike përmes rregullimit ligjor*”. Për qëllime të kësaj analize janë shfrytëzuar edhe punime të tjera nga fusha e ligjit për partitë politike, por me theks në bazën e të dhënave të Universitetit “Leiden”, “*Ligji për Partitë në Evropën Moderne: Rregullimi ligjor i partive politike në Evropën e pasluftës*”. Një bazë e veçantë e të dhënave është krijuar nga KDI-ja, për të gjitha vendet, të cilat kanë të miratuar ligje për partitë politike. Këto ligje më pastaj janë analizuar ndaras për të parë praktikat dhe modelet e rregullimit të partive politike përmes legjislacionit.

## II. ÇKA JANË PARTITË POLITIKE

Në shtetet bashkëkohore është e vështirë të mendohet të jesh politik pa pasur parti politike. Në të vërtetë, në disa shtete, sot janë të ndaluara partitë politike. Kjo praktikë ekziston në shoqëritë tradicionale, veçanërisht në Gjirin Persik, ku disa shtete ende qeverisen nga familje me stazh të gjatë pushteti, mbase ende pa u njohur nga bota si shtete të pavarura. Në këto regjime partitë politike dhe aktivitetet e tyre janë të ndaluara. Këto regjime drejtohen ose nga ushtria, ose nga sundimtarë autoritar që kanë mbështetjen e ushtrisë.<sup>1</sup>

|||||



|||||

aspektin e rregullimit ligjor të partive politike e kanë të përfshirë në kuadër të ligjeve të përafërta me këtë fushë. Sa për ilustrim, Guatemala ka ligj për “Partitë politike dhe zgjedhjet”, Kolumbia ligjin për “Partitë dhe lëvizjet politike”, dhe Britania e Madhe së voni (2000) “Ligjin për Partitë Politike, Zgjedhjet dhe Referendumet”.

Nga një studim më i thellë që Lauri Karvonen i ka bërë këtyre ligjeve, ka konstatuar se përmbajtja dhe struktura e tyre është shumë e ngjashme me ato që “ekskluzivisht” janë ligje për partitë politike.<sup>5</sup> Ato definojnë partitë si subjekte ligjore dhe rregullojnë detyrat dhe aktivitetet e tyre.

Përkufizimi “Ligj për parti politike”, ka kuptime të ndryshme për persona të ndryshëm, madje edhe në mesin e shkollarëve të partive politike. Ky përkufizim nganjëherë përdoret për t’iu referuar rregullave të brendshme, si dokumentet e partive dhe statutet e tyre, nëpërmjet të cilave partitë qeverisin veten. “Ligji për Partitë Politike”, gjithashtu i referohet ligjeve shtetërore në lidhje me atë se çfarë mund apo nuk mund të bëjnë partitë – çfarë është legale dhe jo legale në politikat partiake. Përgjithësisht, kjo përfshinë ligjet në lidhje me atë se çfarë e përbën një parti politike, format e aktiviteteve në të cilat partitë mund të përfshihen, si dhe çfarë forma të organizimit dhe sjelljeve janë të përshtatshme.

Richard Katz, ka shkoqitur dallimet në mes të rregullave të brendshme të partive dhe rregullimit të jashtëm nga shteti dhe në këtë plan përmend tri objektiva të ligjit shtetërorë në lidhje me partitë politike:

1. *Përcaktimin se çka e përbën një parti politike.* Kjo zakonisht përcakton se kush kualifikohet për fletëvotim, kush përfiton prej resurseve publike (si subvencionet ose transmetimet në media), dhe kush merr pjesë në qeveri.
2. *Rregullimin e formës së aktiviteteve në të cilat partitë mund të përfshihen.* Kjo mbulon mbledhjen dhe shpenzimet e

|||||





|||||

zgjedhur. Ky, pra është një proces kompleks që kërkon rregullimin e sjelljeve të akterëve politik. Duke pasur parasysh që Ligji për Zgjedhjet shpesh specifikon se si duhet të funksionojnë partitë politike, teksa Ligji për Partitë Politike rrallë herë e specifikon se si duhet të funksionojnë zgjedhjet. Ka më shumë të ngjarë që disa vende më parë ta emërtojnë Ligji për Zgjedhjet, por jo Ligji për Partitë Politike. Nëse i kanë të dyja, ligji i tyre për Zgjedhjet ka tendencë për të qenë më voluminoz, duke përfshirë rregullat për partitë dhe zgjedhjet.<sup>7</sup>

**Ligji për fushatat:** duhet ta specifikoj kohëzgjatjen e fushatës zgjedhore, cilat aktivitete janë të lejuara, sa kohë para ditës së zgjedhjeve mund të publikohen anketat, si dhe aspekte të tjera të fushatës zgjedhore.

**Ligji për financimin e partive politike:** Karl-Heinz Nassmacher e përdorë termin “financa politike”, për të përfshirë të dy ligjet, atë për “financimin e partive” dhe për “fushatat zgjedhore”<sup>8</sup>. Ligji për Financimin e Partive Politike specifikon burimet e lejueshme për financimin e partive politike, cakton kufirin e sipërm të donacioneve nga personat juridik dhe fizik, rregullat për mbajtjen e kontabilitetit, auditimin e partive, sanksionet dhe detyrime të tjera.

#### IV. PRAKTIKAT NDËRKOMBËTARE PËR LIGJIN PËR PARTITË POLITIKE

Gjatë dekadës së fundit janë zhvilluar një numër i madh i studimeve dhe projekteve të ndryshme lidhur me legjislacionin për partitë politike. Disa prej studiuesve kanë krijuar baza të të dhënave për vendet, të cilat kanë adoptuar ligje për partitë politike. Dy nga bazat më të hershme të të dhënave janë ajo e studiuesit danez (Lauri Karvonene, 2005) dhe atij amerikan (Kennth Janda, 2005). Projekti më ambicioz për legjislacionin e partive politike në Evropë është ai i Universitetit “Leiden” me titull “Ligji i Partive në Evropën Moderne”, i cili shkoqit aspektin teorik dhe empirik të rregullimit

|||||











|||||

politike. Megjithëse ligji i Gjermanisë rregullon praktikat e partive, ai në mënyrë efektive njeh praktikat e krijuara të partive konkurruese.

## VI.ÇKA DUHET TË PËRMBAJË LIGJI PËR PARTITË POLITIKE

Mënyra më direkte për të përmirësuar demokracinë në një vend është përmes përmirësimit të qeverisjes së brendshme të institucioneve. Kjo përfshinë edhe partitë politike, pasi që ato janë pjesë përbërëse e institucioneve, teksa brenda një periudhe të shkurtër kohore kjo gjë mund të bëhet nëpërmjet legjislacionit. Numri i vendeve që kanë ligje të veçanta për parti politike është në rritje. Mungesa e një ligji që përkufizohet me titullin “Ligji për Parti Politike”, nuk nënkupton mos rregullimin e partive politike me ligj. Për më tepër, edhe kur ka një ligj të tillë asnjëherë ai ligj nuk i përmban të gjitha dispozitat përkatëse për partitë. Në veçanti ato shpërndahen në dispozita kushtetuese, ligjin për zgjedhjet, ligjin për financimin e partive politike dhe atë për fushatat zgjedhore, por edhe në rregullat e procedurës së parlamenteve. Të gjitha këto përbëjnë kornizën ligjore brenda së cilës operojnë partitë politike.

### **Definicioni ligjor dhe statusi i partive politike**

Elementi më bazik i çdo ligji për partitë politike është përcaktimi i definicionit të “partisë politike”. Në një rën anë, ato qartësisht apo nënkuptueshëm identifikojnë natyrën e përgjithshme të partive – si dallon partia prej llojeve të tjera të organizimeve. Nga ana tjetër, ato vendosin kritere që duhet përmbushur nga ndonjë formë e organizimit të veçantë që të mund të njihen ligjërisht si parti

|||||





|||||

Epstein dhe vanBiezen e identifikojnë si model të “shërbimit publik”, në të cilin partitë njihen si performues esencial të funksioneve publike dhe prandaj ju akordohet status special dhe privilegje në shkëmbim të rritjes së nivelit të rregullimit ligjor.<sup>15</sup>

### **Regjistrimi dhe Statuti**

Një nga teoricienët më të njohur të partive politike, Richard Katz, i definon statutet e partive “si një tërësi të rregullave të nxjerra nga secila parti për qeverisjen e saj të brendshme”. Problemi më i veçantë për legjislacionin e partive politike është që të përcaktojë kriteret dhe procedurat që një organizatë duhet t`i plotësoj në mënyrë që të njihet si parti, e sidomos të njihen si parti me të drejtën për të pasur qasje në përfitimet nga institucionet publike. Edhe pse kombinimet specifike të kërkesave ndryshojnë jashtëzakonisht shumë, shumica mund të ndahen përafërsisht në tri kategori të përgjithshme: rregullimin organizativ; madhësinë dhe seriozitetin; si dhe përkushtimin demokratik.<sup>5</sup>

### **Organizimi i brendshëm**

Në emër të rritjes së demokracisë, partive mund t`u kërkohej të ndërmerren masa të veçanta për të promovuar përfshirjen e grave apo të grupeve të tjera tradicionalisht të marginalizuara në strukturat e tyre. Kjo mund të bëhet me imponimin e kuotave ligjore në listat e kandidatëve të partive për të siguruar barazi më të madhe gjinore. Për shembull Ligji për Partitë Politike në Indonezi (Ligji 2/2008), vendos detyrimin për të gjitha partitë për të zbatuar kuotën prej 30% për gratë në strukturat vendimmarrëse të partisë. Në raste më të shpeshta, partitë sanksionohen me ligj kundër diskriminimit të kandidatëve në bazë të gjinisë apo racës.<sup>6</sup>

---

<sup>5</sup>Përveç kësaj, shumë sisteme imponojnë një seri të kërkesave teknike, si emri i partisë të mos të ngatërrohet lehtësisht me emrin e një partie ekzistuese ose që simboli i saj të mos përmbajë ikonografi kombëtare ose fetare.

<sup>6</sup>Për shembull, në vitin 2010 Gjykata Supreme e Holandësvendosi që shteti është i obliguar me Konventën e OKB-së të vitit 1979 për Eliminimin e të gjitha formave të diskriminimit ndaj

|||||











|||||

Edhe përdorimi i sanksioneve bëhet në proporcion me shkeljet që janë bërë sipas dy standardeve ndërkombëtare. I pari ka të bëjë me dënimin për shkelje, i cili duhet të jetë në proporcion me seriozitetin e veprës. Për shembull shkeljet teknike apo të vogla nuk duhet të çojnë në shpërbërjen e partisë - sepse shpërbërja ose çregjistrimi duhet të jetë e rezervuar për vepra më të rënda. Standardi i dytë i rëndësishëm është që partia si një bashkësi nuk duhet të konsiderohet përgjegjëse për veprimet e paautorizuara të një apo më shumë anëtarëve të saj.<sup>28</sup>

### **Sanksionet dhe ndalesat ndaj partive politike**

Ligji për Partitë Politike i Spanjës, i miratuar në vitin 1978 dhe rishikuar në vitin 2002, përmban dispozita të detajuara që kanë për qëllim të ndalojnë bashkëpunimin ndërmjet partive politike dhe organizatave terroriste (Neni 9). Ky ligj në mënyrë të qartë ndalon lidhjet me organizatat terroriste dhe përdorimin e simboleve të caktuara që lidhen me terrorizimin. Paragrafi 33 i Ligjit gjerman për Partitë Politike ndalon partitë të krijojnë trupa që funksionojnë si zëvendësim për partitë që kanë qenë të ndaluara si antikushtetuese. Në terma konkret, objekt janë partitë Neo-Naziste dhe Komuniste që janë shpallur si antikushtetuese nga Gjykata Kushtetuese e Gjermanisë në vitin 1952 dhe 1956<sup>29</sup>. Ligji për Partitë Politike i Portugalisë ndalon përdorimin e emrave të individëve ose të simboleve religjioze apo nacionale në etiketat ose emblemat e tyre (Neni 5). Për më tepër, neni 19 i këtij ligji, në mënyrë të qartë ndalon betimin për lojalitet ndaj lidhshimit të partisë. Fakti që në ligjin e Portugalisë është zgjedhur që të ndalohen këto forma të kultit të personalitetit është i kuptueshëm në relacion me kohëzgjatjen e diktaturës (1933-1974), të Oliveira Salazar.<sup>30</sup>

Ligji Algjerian ndalon partitë të bazuara në sektarizëm, rajonizim, feudalizëm apo nepotizëm, si dhe partitë që vënë në pyetje “vlerat e moralit islamik ose identitetit kombëtar” (Neni 5). Ato obligohen të përdorin vetëm gjuhën zyrtare kombëtare në aktivitetet e tyre (Neni 4).

|||||





|||||

mobilizimit politik. Frika në lidhje me fragmentimin e shtetit në baza etnike ose rajonale manifestohet në disa prej ligjeve. Në demokracitë e reja, shprehet një dëshirë e përgjithshme për të neutralizuar aktivitetet e partive që lidhen me regjimet e mëparshme jo demokratike.

## VII. PËRFUNDIM

Rregullimi përmes ligjit të veçantë për regjistrimin dhe përcaktimin e kriterëve minimale të funksionimit demokratik të partive politike është i rëndësishëm së veçantë. Partitë politike konsiderohen institucione themelore në demokraci. Sa ma shumë që të konsultohet anëtarësia e partive politike për vendimet dhe orientimet programore të tyre, duke kaluar nga një lloj i qeverisjes nga poshtë-lartë dhe jo nga lartë-poshtë, aq më gjithëpërfshirëse dhe më të duhura do të jenë vendimet që partitë marrin. Kjo frymë e konsultimeve me anëtarësinë, do të bartet edhe tek institucionet kur partitë vijnë në pushtet, duke konsultuar publikun gjatë marrjes së vendimeve dhe hartimit të ligjeve.

Ligji duhet të parasheh edhe kriteret minimale që duhen zbatuar nga partitë në zgjedhjet e tyre të brendshme, si zgjedhjen e kryetarit dhe të strukturave të tjera udhëheqëse. Nominimi i kandidatëve në listat e partive politike, si për nivelin qendror ashtu edhe atë lokal duhet të përcaktohet me ligj. Duke e ditur paraprakisht rrugën e cila duhet të ndiqet për t'u përfshirë në listë, e bënë më të lehtë kandidimin për pretendentët, pasi përfshirja ose jo, nuk do të varej nga vullneti i liderit apo elitave partiake. Format e revanshit ndaj deputetëve që nuk kanë ndjekur në mënyrë rigorozë linjën e partisë, do të eliminoheshin.

Një prej çështjeve kryesore, që patjetër duhet ta përmbajë Ligji për Partitë Politike, është përcaktimi i mënyrës se si bëhet zgjedhja e kontesteve të brendshme, duke mos e lënë këtë në vullnetin e komisioneve statutoire të partive, por duke e kaluar tek institucionet

|||||

e pavarura, siç është ai i gjyqësorit. Kjo do të ndikonte në demokratizimin e partive politike, do të zvogëlonte autokracinë dhe do t'i jepte fund qeverisjes së përjetshme të liderëve, pasi gara do të mund të hapej për kandidatët e tjerë.



